



# ТОШКЕНТ ОҚШОМИ

Газета 1966 йил  
1 июлдан  
чиқа бошлаган

ШАҲАР ИЖТИМОЙ - СИЁСИЙ ГАЗЕТАСИ

№ 19 (10.072)

2004 ЙИЛ 28 ЯНВАРЬ

## Ўзбекистон Республикаси Вазирлар Маҳкамасининг ҚАРОРИ

### «Меҳр ва мурувват йили» дастури тўғрисида

Мамлакатимизда 2004 йилнинг «Меҳр ва мурувват йили» деб эълон қилиниши муносабати билан, жамиятимизда аҳиллик, бағрикенглик, меҳр-оқибат, миллатлараро дўстлик ва ҳамжихатлик муҳитини мустаҳкамлаш, юртдошларимиз, аввало, ёшларимиз онги ва тафаккурида юксак инсоний фазилатларни камол топтириш, аҳолининг ижтимоий муҳофазасини кучайтириш, хусусан, кам таъминланган тоифа ва оилаларни қўллаб-қувватлаш ҳамда давлат ва жамоат ташкилотларининг бу борадаги фаолиятини мувофиқлаштириш мақсадида Вазирлар Маҳкамаси қ а р о р қ и л а д и:

1. «Меҳр ва мурувват йили» дастури тасдиқлансин.

Дастурда белгиланган чора-тадбирлар:

— давлат идоралари ва жамоат тузилмаларининг маблаг ва имкониятларини, корхона ва ташкилотлар, ширкат ва фермер хўжаликлари, тадбирлар ва ишбилармонларнинг ҳомийлик ёрдамларини кам таъминланган оилалар, ноғиронларни, боқувчисидан жудо бўлган фуқаролар ва ёлғиз кексаларни моддий ва маънавий жиҳатдан қўллаб-қувватлаш учун жалб этишга;  
— жамият ҳаётининг асосий бўғини бўлган оила тизимини мустаҳкамлаш, оналик ва болаликни, инсон ҳаёти ва манфаатларини ҳимоялаш, мавжуд ижтимоий муаммоларни ҳал этиш, жумладан, янги иш ўринларини яратиш, аҳолига тиббий, савдо ва коммунал-маиший хизмат кўрсатишни яхшилаш бўйича аниқ режаларни амалга оширишга;  
— юртдошларимизни меҳрибонлик ва эзгулик руҳида тарбиялаш, замон талабларига жавоб берадиган қадимий анъана ва қадриятларимизни ҳаётимизга янада чуқурроқ сингдириш, бундай интилиш ва ҳаракатларни оммавий ахборот воситалари, жойлардаги маънавий-маърифий тадбирлар орқали кенг тарғиб қилишга йўналтирилгани маълумлансин.

2. «Меҳр ва мурувват йили» дастурини ишлаб чиқиш ва амалга ошириш бўйича республика комиссияси, Қорақалпоғистон Республикаси Вазирлар Кенгаши, вилоятлар, шаҳарлар ва туманлар ҳокимликлари, вазирликлар, идоралар, хўжалик бирлашмалари ва бошқа ташкилотлар ўзбу дастурда назарда тутилган тадбирларнинг ўз вақтида

ва талаб даражасида бажарилишини таъминлаш юзасидан аниқ чора-тадбирларни ишлаб чиқиш ва амалга ошириш.

3. Ўзбекистон Республикаси Вазирлар Маҳкамасининг комплекслари, вазирликлар, идоралар, уюшмалар, концернлар, корпорациялар, компаниялар ва агентликлар, хўжалик бирлашмалари, жамоат ташкилотлари, жамғармалар, Қорақалпоғистон Республикаси Вазирлиги Кенгаши ҳамда вилоятлар, Тошкент шаҳар, шаҳарлар ва туманлар ҳокимликлари:

йилнинг ҳар чорагида, тегишли идоралар ва тузилмаларни жалб этган ҳолда, «Меҳр ва мурувват йили» дастурининг бажарилишини муҳокама қилиб, зарур чора-тадбирлар қўриб босин;

йилнинг ҳар чораги яқунлари бўйича дастур топшириқларининг бажарилиши натижалари тўғрисидаги таҳлилий маълумотни кейинги ойнинг 7-кунигача республика комиссиясига тақдим этсин.

4. Матбуот ва ахборот агентлиги, «Ўзтелерадио» компанияси, Ўзбекистон Миллий ахборот агентлиги ва бошқа оммавий ахборот воситаларига аҳоли ўртасида «Меҳр ва мурувват йили» дастурида назарда тутилган чора-тадбирларнинг моҳияти ва аҳамиятини очиқ бериш, уларни амалга ошириш борасида қилинаётган ишларни кенг ёритиш тавсия этилсин.

5. Мазкур қарорнинг бажарилишини назорат қилиш Ўзбекистон Республикасининг Бош вазир Ш.Мирзиёев зиммасига юклансин.

Вазирлар Маҳкамасининг Раиси  
И. КАРИМОВ

Тошкент шаҳри,  
2004 йил 27 январь

## Вазирлар Маҳкамасининг «Меҳр ва мурувват йили» дастури тўғрисидаги қарорига Ш А Р Ҳ

Ўзбекистон Республикаси Конституциясининг 11 йиллиги муносабати билан ўтказилган тантанали йиғилишда Президентимиз Ислам Каримов томонидан 2004 йил мамлакатимизда «Меҳр ва мурувват йили» деб эълон қилинди ҳамда бу борадаги асосий мақсад ва вазифалар белгилаб берилди.

Юртбошимиз Фармоийши билан тузилган «Меҳр ва мурувват йили» дастурини тайёрлаш бўйича республика комиссияси йил давомида амалга оширилган ишлар зарур бўлган ташкилий, ижтимоий-иқтисодий, маънавий-маърифий тадбирларнинг комплекс дастурини ишлаб чиқди. Ушбу дастур аввалги йиллар-

да қабул қилинган «Инсон манфаатлари йили», «Оила йили», «Аёллар йили», «Соғлом авлод», «Она ва бола», «Қарияларни қадрлаш йили» ва «Обод маҳалла йили» дастуриларининг мантиқий давомидир.

Давоми 2-бетда.

## ПОЙТАХТНИНГ Бир кунли

Янгиликлар, воқеалар  
ҚИСҚА  
сўзларда

● **АБДУЛЛА** Авлоний номдаги Тошкент шаҳар халқ таълими педагоглари малакасини ошириш ва қайта тайёрлаш институтида Британия кенгаши ҳамда Ўзбекистон Халқ таълими вазирлиги

хамкорликларида таълим самарадорлигини оширишга мўлжаллаб яратилган янги лойиҳанинг тақдироти бўлиб ўтди.

● **ШАҲРИМИЗДА** Япония ҳукумати-нинг бегараз инсонпарварлик ёрдами туфайли таълим соҳасини янада ривожлантиришга қаратилган грант шартномасини имзолаш маросими бўлиб ўтди.

● **«ЭКОСАН»** Халқаро жамғармасида Ўзтелерадиокомпанияси, «Маҳалла» жамғармаси ҳамда Республика мусулмонлар идораси ҳамкорликларида ташкил этилган кўрик-танлов «Энг мурувватли

кўшни республика» деб номланди.

● **КЕЧА** Собир Раҳимов ҳокимлигида аҳолини иш билан таъминлаш мақсадида меҳнат ярмаркаси уюштирилди.

● **1-ТОШКЕНТ** Давлат тиббиёт институтида ўтказилган «Стоматологик ёрдам кўрсатиш тизими» мавзусидаги илмий-амалий анжуманда шифокорлар иштирок эттишди.

Тошкент шаҳар ҳокимлиги Матбуот хизмати ва ўз мухбирларимиз хабарларидан.

## XXVI саҳоси

Барча маблардан олинган сўнги хабарлар

● **Тошкентда** Ўзбекистон кичик ва хусусий бизнес, матбуот кооперацияси, савдо ҳодимлари ва хусусий тадбиркорлар касба уюшмаси Марказий Кенгаши томонидан «Меҳр ва мурувват—қалб амри» мавзусида анжуман ўтказилди.

● Самарқанд вилоятидаги «Пахта саноати» ҳудудий акциядорлик бирлашмаси тизимида қайта ишлаш корхоналарида тайёрланаётган толалар Швейцария, Бельгия, Буюк Британия, Жанубий Корея, Россия каби мамлакатларга экспорт қилинмоқда.

● «Олтин мерос» халқаро хайрия жамғармасининг Бухоро вилоят бўлими Бухоро шаҳридаги «Кўкалдош» мадрасасида халқ амалий санъати марказини ташкил этди.

● Наманган вилоятидаги Тошбулоқ қишлоғида янги ижтимоий-иқтисодий коллеж ўз фаолиятини бошлади. 300 та ўқувчига мўлжалланган мазкур ўқув муассасасида барча замонавий анжомлар мавжуд.

## Жаҳонда

● Буюк Британия ҳарбий хизматчиларни тайёрлаш ва ҳақдорликдаги машқларни ташкил қилишга кўмаклашиш учун ҳарбийларни Ливияга юборишни режалаштирмоқда.

● Эрон ўрта масофага мўлжалланган «Раад» номли янги ракеталарни ишлаб чиқаришни бошлади.

● Ироқнинг Рамадий шаҳрида портловчи моддалар орттилган юк машинаси ва америкалик аскарларни олиб кетётган зирҳли ҳарбий машинанинг тўқнашиб кетиши натижасида бир неча киши ҳаётдан кўз юмди.

● Исроил полициячилари камикадзе-террорчиликда гуноҳ қилинаётган Фаластиннинг «Танзим» гуруҳининг фаол аъзосини қўлга олишти. Таҳминларга кўра у Тель-Авив шаҳри марказида террорчилик ҳаракатини амалга оширмоқчи бўлган.

● АКШнинг NASA агентлиги ва Калифорния реактив ҳаракатлар лаборатория мутахассислари томонидан учирилган «Оппортюнити» робот аппарати Марс сайёрасига муваффақиятли кўнди.

● Кейинги кунлар давомида Бангладешнинг шимолий қисмида 3 киши номаълум касаллик оқибатида ҳаётдан кўз юмди. Ҳозирча маҳаллий табиблар фаройиб эпидемия сабабларини шарҳлашдан бош тортмоқдалар.



Комиссия ҳамраиси, Ўзбекистон Бош вазири ўринбосари Э.Фаниев республикадаги иқтисодий вазият, халқро молиявий муассасалар билан ҳамкорликнинг ривожланиши, мамлакатда сарможий муҳитни яхшилаш бўйича

фикр алмашдилар, савдо-иқтисодий ва сарможий ҳамкорликни фаоллаштиришни рағбатлантириш зарурлигини таъкидладилар, аниқ

Ташқи ишлар давлат котиби Р.Мюзелъе томонидан қабул қилинди. Сухбат чоғида Р.Мюзелъе икки мамлакат ўртасида савдо-иқтисодий ва

## ЎЗБЕКИСТОН ҲУКУМАТЛАРАРО КОМИССИЯ МАЖЛИСИ

Парижда Ўзбекистон Республикаси ва Франция Республикаси ўртасида савдо-иқтисодий ҳамкорлик бўйича Ҳукуматлараро комиссиянинг иккинчи мажлиси бўлиб ўтди.

амалга ошириладиган чора-тадбирлар тўғрисида мажлис иштирокчиларига ахборот берди.

Франция томони Ўзбекистон ҳукумати-нинг иқтисодий ўзгаришларни амалга ошириши давом эттиришга қаратилган, хусусан, савдо, банк ва маъмурий тизимларни, қишлоқ хўжалигини эркинлаштириш, корхоналарни хусусийлаштириш борасидаги саъй-ҳаракатини қўллаб-қувватлашни маълум қилди.

Томонлар ўзаро муносабатлар аҳоли ва истиқболлари бўйича

ижтимоий аҳамиятга молик, хусусан, халқро муассасалар билан биргаликда молиялаштириш шартлари асосидаги лойиҳаларни муҳокама этдилар, молия ва божхона соҳасини тартибга солишда икки мамлакат вазирлиги ва идоралари ўртасида муассасаларро ҳамкорликни чуқурлаштиришга келишдилар. Ҳукуматлараро комиссия мажлисининг натижаларига кўра кўшма протокол имзоланди.

Парижда ташриф чоғида Ўзбекистон ҳайъати раҳбари Э.Фаниев Франция

ирода ва иқтисодий шарт-шароитлар мавжудлигини таъкидлади. Шу билан бирга, Э.Фаниевнинг Франция ташқи савдо масалалари бўйича ваколатли вазир Ф.Лоосо, қатор етакчи француз компания ва ташкилотлари раҳбарлари билан учрашувлари бўлиб ўтди.

Ўзбекистон Республикаси ҳайъати Франция тadbirkorлари ҳаракати (МЕ-ДЕФ) қароргоҳида ўтказилган Ўзбекистон ва Франция тadbirkorларининг кўшма бизнес-семинарида иштирок этдилар.

«Жаҳон» АА.

## УЗОҚ ШАРҚДА ЯНГИ ЙИЛ

Ўзбекистон Бадий академиясининг Замоनावий санъат марказида Узоқ Шарқ мамлакатларида янги йил байрамига бағишланган кўргазма очилди.

—Узоқ Шарқ давлатларида ой тақвими бўйича, яъни 21 январдан 22 январга ўтар кечаси янги йил кириб келади ва икки ҳафта давомида нишонланади, — деди санъатшунос Отабек Ашуров «Туркистон-пресс» муҳбирига. — Кўргазмада фотосуратлар, график ва декоратив ишлар, Хитой, Корея, Япония, Монголия ва Вьетнам давлатларининг амалий санъати намойиш этилмоқда. Шунингдек, санъат ихлосмандлари таниқли санъаткор Тамарахоним уй-музейидан келтирилган Хитой, Япония, Вьетнам аёллари киядиган либосларни кўришлари мумкин. Эътиборли жиҳати шундаки, ушбу либослар марҳум санъаткор томонидан ўша давлатларга сафар чоғида олиб келинган.

Кўргазмадан жой олган фотосуратларда ҳар бир давлатнинг ўзига хос урф-одатлари, хозирги куни, табиат манзаралари, инсонлари акс эттирилган. XX аср ўрталарига мансуб Хитой чинилари, чой сервислари, ошхона идишлари, гулдонлар эмал билан ишлаш техникасининг ўзига хослиги намойиш этилган. Шунингдек, Кореянинг босма нақшли ипак газламасидаги тасвирларда миллийлик ва нафислик санъат ихлосмандларини бефарқ қолдирмайди.

Д.ТОИРОВА,  
«Туркистон-пресс»

## Маъин

### МУРУВВАТ ТАДБИРЛАРИ

Меҳр ва мурувват йилли муносабати билан турли олий ўқув юртиларида хайрли ишлар яна ҳам кенг қулоч ёйди.

Чунончи, Тўқимачилик ва енгил саноат институти жамоаси бир қатор хайрли ва савобли ишларга бош-қош бўлди.

Институт жорий йилда Чилонзор туманидаги 66-маҳсус мактаб ўқувчиларига спорт анжомлари, 6 та компьютер, театрларга бепул чипталар совға қилди. Шунингдек мактаб лабораториясига тикиш материалларини тарқатиб, ювиниш хоналарини таъмирлаб берди. — Ниятимиз қалби кемтик, меҳрга зор болаларимизнинг кўзларида оз бўлса-да шодлик учқунларини кўриш. —Зеро, уларнинг ўқис дилларини ҳеч нарса билан тўлдириб бўлмайди,— дейди институтнинг иқтисоди ва тadbirkor бўлими проректори Кадам Жуманиёзов.

Шунингдек, институт томонидан Чилонзор туманидаги мактаб коллежининг 79 нафар ота-онаси йўқ ўқувчиларига турли совға-саломлар бериш билан бирга, 14 та компьютер ҳам тўхфа қилинди.

## СОҒЛОМ

### КЕЛАЖАК САРИ

Яқинда Абдулла Қодирий номидаги маданият институтида «Тинчлик учун оила федерацияси» халқро ташкилоти томонидан анжуман ташкил этилди.

Шахс тарбияси : унинг маънавий-ахлоқий жиҳатлари» мавзусидаги анжуманда Россия, Жанубий Корея давлатлари вакиллари ҳамда Ўзбекистонлик олимлар иштирок этдилар.

Тўрт кун давом этган ушбу анжуман доирасида гиёвандлик, ичкиқибодлик ва СПИДга қарши курашининг долзарб муаммолари хусусида суҳбатлар, фикр алмашилар ва талабалар билан очиқ мулоқотлар бўлиб ўтди.

## ШОГИРДЛАР КЎТЛАШИ

Ўзбекистон Республикаси Фанлар академиясининг Абу Райҳон Бериунинг номидаги шарҳунослик институтида тарих фанлари номзоди, манбаъшунос олим, 80 дан ортик китоб ва рисоалар, 100 дан ортик мақолалар муаллифи Омонидан Абурайҳон ва унинг сафдоши, тарих фанлари номзоди, қўлёзмалар фонди бошлиғи, 20 дан ортик китоб, 120 дан ортик мақолалар муаллифи, «Амир Темур», «Темурийлар даври тарихи» номли ва тарихий географиясига оид илмий ишлар муаллифи Маҳмуд Ҳасанийларнинг 60 йиллик таваллуд саналари нишонланди.

Ўттиз йилдан ортик вақт мобайнида маъруз даргоҳда, самарали меҳнат қилиб келадиган, бу икки олимни унинг дўстлари, шогирдлари, институт жамоаси қизгин қутлади.

Гулнор САТТОВА

## «Ўзбекистон ҳаво йўллари» Миллий авиакомпаниясининг Як-40 самолёти авиаҳалокати сабабларини аниқлаш бўйича Ҳукумат комиссиясининг қарори

«Ўзбекистон ҳаво йўллари» Миллий авиакомпаниясининг Як-40 самолёти авиаҳалокати сабабларини аниқлаш бўйича Ҳукумат комиссияси Давлат учиб хавфсизлигини назорат қилиш инспекцияси экспертлари, Ўзбекистон Республикаси тергов ва ҳуқуқ-тартибот органлари мутахассисларини жалб қилган ҳолда 2004 йил 13 январда рўй берган авиаҳалокат тафсилотларини атрофлича ўрганиб чиқди. Ҳалокат сабабларини ўрганиш ишларида Ҳукумат комиссияси аъзолари билан бирга А.Яковлев номидаги Тажриба конструкторлик бюроси ҳамда МДХ Давлатлараро авиация қўмитаси вакиллари иштирок этди.

Олиб борилган текширув жараёнида объектив назорат воситалари («қора қути») кўрсатмалари, бортдаги ҳамда ердаги навигация воситаларининг техник ҳолатини батафсил ўрганишга алоҳида эътибор қаратилди. Самолёт бўлаклари синчиқлаб текширилди, экипаж ҳамда ҳаво кемасининг парвоз оқидан тайёргарлиги, самолёт парвоз қилган шароит ва унинг кўниши тафсилотида гувоҳ бўлган қўллаб кишилардан зарур маълумотлар олинди.

«Ўзбекистон ҳаво йўллари» Миллий авиакомпаниясининг Термиз-Тошкент йўналиши бўйича НУ-1154

рейсни амалга ошираётган Як-40 самолётининг 37 кишининг ҳалок бўлишига олиб келган авиаҳалокати сабабларини аниқлаш бўйича олиб борилган текшириш якунларига биноан Ҳукумат комиссияси кўнидаги хулосаларга келди.

Самолётнинг техник ҳолати ва экипаж аъзоларининг малакаси бу русумдаги ҳаво кемалари эксплуатацияси учун белгиланган талабларга жавоб берган.

Самолётнинг ўзиёзар ускунасидаги («қора қути») ёзувлар таҳлиллари шунини кўрсатдики, парвоз жараёнида ҳамда кўниш вақтида двигателлар ва ҳаво кемасининг бошқа тизимларида носозлик бўлмаган, бортда ёнгин, бирон-бир шикастдор воситаларнинг таъсири ёки террорчилик ҳаракати аломатлари қайд этилмаган.

Кўнишни таъминловчи радиотехник воситалар барқарор ишлаб турган ва соҳ ҳолатида бўлган.

Ҳаво кемаси парвози, унинг кўниши мураккаб метеорологик шароитларда кечган, Тошкент аэропорти ҳудудида кўриш имконияти қуюқ туман пайтида йўл қўйилмаган меъёрлар даражасида бўлган.

Тергов эксперимент тарзида ўтказилган парвоз билан тасдиқланган текширув натижаларига кўра, авиаҳа-

локат экипажнинг кўниш чоғидаги нотўғри ҳаракатлари туфайли содир бўлганлиги аниқланди.

Экипаж томонидан кўнишга тайёрлаш қоидаларига хилоф равишда чекланган кўриш шароитида бошқариш ва ҳаво кемасини кўндириш учун мўлжалланган тизимнинг зарур иш тартиби қўлланилмаган. Бу ҳол борт ускуналарида самолётнинг белгиланган пасайиш траекториясига нисбатан ҳақиқий ҳолати тўғрисидаги маълумотларнинг нотўғри акс этишига, ҳаво кемасининг рухсат этилган кўрсаткичдан юқори баландликда кўниш йўлагига яқинлашиши ва кўниш чоғида ушбу траекториядан чиқиб кетишига олиб келган.

Борт ускуналарининг но-стандарт тартибда ишлаётганидан дарак берувчи аломатлар борлигига қарамадан, экипаж бу ҳақда диспетчерга хабар қилмаган, самолётнинг кўниш тизимида нотўғри фойдаланиш билан боғлиқ хатоларни ўз вақтида аниқлай олмаган ва кўнишга қайтадан уриниш учун иккинчи марта айлана ш бўйича чоралар кўрмаган.

Экипаж рухсат этилган энг қуйи баландликда кўниш йўлагининг ердаги белгиларини аниқламасдан ва ўзининг касб маҳоратида ортикча баҳо бериб, пасайишни

давом эттирган. Натижада, бундай вазиятда баландликка кўтарилиб, захира аэродромга кетишни талаб этувчи қоидаларни бузган.

Йўл қўйилган хатолар сабабли самолёт кўниш йўлагига белгиланган нормалардан ташқарида тегиб ўтган. Экипаж захира аэродромга кетиш учун баландликка кўтарилиш борасида кечикиб кўрган чораларга қарамай, самолёт аэропорт тўсигига урилган. Бу ҳаво кемасининг ҳалокатга учраши ва ёнгин чиқишига олиб келган.

Экипаж аъзолари ва барча йўловчилар қўллаб жароҳат олиш натижасида ҳалок бўлган.

Ҳукумат комиссияси томонидан авиаҳалокат туфайли ҳалок бўлганларнинг жа-садларини яқинларига етказиш ва дафн этиш ташкил қилинди. Марҳумларнинг қариндошлари ва яқинларига зарур моддий ҳамда молиявий ёрдам кўрсатилди.

Бош прокуратура авиаҳалокат бўйича жиноий иш кўзгади, тергов ишлари давом этмоқда.

Ҳукумат комиссияси томонидан Дававианазорат ва «Ўзбекистон ҳаво йўллари» Миллий авиакомпанияси билан биргаликда келгусида бундай ҳодисаларнинг олдини олиш ва йўл қўймаслик бўйича тегишли ташкилий ҳамда техник чоралар мажмуи ишлаб чиқилди.







